

Tunaweza Kufanya Vitu Vizuri,

Kwa maana hapo tulipokuwa batuna nguvu, wakati ulipotimia, kristo alikufa kwa ajili ya waovu. Warumi 5:6.

Jamii ya sasa inakaribia kwa haraka kufikia hali iliyokuwepo ulimwenguni kabla ya gharika. Watoto wanapoelekea kuwa na umri wa ujana na vijana wa kike na wa kiume kuwa watu wazima, wanaelekea kabisa kuwa wenye kujitosheleza na kukomaa haraka katika maarifa ya uovu... Vijana wa sasa wanapata ujuzi wa uhalifu kupitia kusoma visa vingi vinavyochapwa katika machapisho maarufu. Bila kuthamini kile kilicho chema kwa sababu ni chema, wanaposoma visa vya ujambazi, mauaji na kila aina ya uhalifu, wanasababishwa kubuni njia ambazo wanazitumia kuendeleza uhalifu na kuepuka kugunduliwa.

Uchapaji uliopotoka unasaidia kuimarisha ujuzi wa vijana katika njia ambayo itawaingiza katika uangamivu wa milele. Vijana katika miji yetu wanavuta hewa yenye uvundo na chafu ya uhalifu; kisha mvuto wa uovu unasambazwa nchini na jamii nzima inakuwa imechafuliwa. Baadhi ya watawala wa dunia hawana maadili ya kibinadamu. Hawana shauku ya kuangalia uchapaji wa maandiko haya potovu ambayo yanaongezeka kila mwaka, ambayo hukuza hisia kali za uhalifu na uovu. Visa vyenye maisha ya uhalifu huchapwa kwenye magazeti ya kila siku na machapisho yanayojulikana kwa jina la ufunuo wa mambo yajayo na kuchukuliwa kama ni uhalisia... Kristo aliona pambano tunalolikaribia na ametutumia ujumbe wa kukesha na kuomba tusije tukaingia majaribuni. Anatuonya kwamba "Na kama ilivyokuwa siku za Nuhu, ndivyo itakavyokuwa katika siku zake Mwana wa Adamu... Hivyo ndivyo itakavyokuwa siku ile atakayofunuliwa Mwana wa Adamu."

Hatuonywi kutokujihusisha na shughuli za kibiashara, bali dhidi ya kujilimbikizia yale yaliyo halali, dhidi ya kuruhusu akili zetu kuvutwa na mambo ya dunia yatakayotufanya tushindwe kufahamu mambo muhimu yanayohusu maslahi yetu ya umilele. Tunaonywa dhidi ya kuendekeza hamu ya chakula iliyopotoka, dhidi ya ulaji mbaya, kinaya na ulevi...

Lakini hata katika hali ya uovu ambao upo katika jamii yetu, zipo nafsi zinazoweza kutenda mambo mema – nafsi zinazowakilishwa na Kristo kwa mfano wa "lulu iliyopotea." Kristo alitoa kila kitu, ili aweze kutafuta na kuokoa kile kilichokuwa kimepotea, ili aweze kurejesha lulu Aliyoithamini kwa gharama isiyo na ukomo. Tuko tayari kufanya kitu gani ili kuungana pamoja Naye katika kazi hii? Je, tutajitoa kwa namna gani? ...

Tunapozingatia kwamba Kristo alikufa kwa ajili ya mwenye dhambi wakati walingali dhambini, inatusaidia kutambua jinsi ambavyo yuko tayari tena mwenye shauku ya kutubariki, ili tuwe baraka kwa wengine.

(The Review and Herald, Aprili 21, 1896).